


Macaafa Qulqulluu Daa'immaniif
Dhihaate



Nama
Waaqayyo
Biraa
Ergame



Kan barreeffame: Edward Hughes
Kan ibsame: Byron Unger; Lazarus
Kan dagaagsame: E. Frischbutter; Sarah S.
Kan hiikkame: Zemendale Translation Service
email: zemendale@gmail.com
Po Box 32155, Addis Ababa, Ethiopia
Kan qophaa'e: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2016 Bible for Children, Inc.


Eeyyama: Seenaa kana hamma hin gugurreetti garagalfacuu ta'ee
Maxxansiifacuu ni dandeessu.



Gaaf tokko, Mana Qulqullummaa Waaqayyoo
keessatti, lubni dulloomaan Zakkaariyaas
jedhamu aarsaa dhi'eessaa ture.
Namoonni alatti kadhachaa turan.
Akka tasaa, Zakkaariyaas
ni hollate.



Ergamaan ni dhufe. "Hin sodaatiin" ittiin jedhe.



"Waaqayyotuu na erge. Haati manaa kee mucaa ilmaa godhachuuf jirti. Maqaa isaa Yohaannis jedhi. Dhalachuu isaatii eegalee Hafuura Qulqulluudhaan

ni guutama. Namoota baay'ee gara Waaqayyootti deebisuuf jira."



"Zakkaariyaas,
nutti dubbadhu."
Namooni ala
turan walii
wallaalan.




Isaan ergaa Waaqayyo biraa dhufe
amanuu dhabuu isaaf, hanfa mucichi
dhalatutti Zakkaariyaas dubbachuu

akka hin dandeenye ergamichi
Gabri'eel akka itti dubbate hin
beekan turan. Inni haati manaa
isaa da'umsaaf baay'ee
dulloomteetti
jedhee yaade.



Manatti, Zakkaariyaas waan ergamchi
isaan jedhe hundumaa barreesse.
Elsaabex, haati manaa isaa, baay'ee
ajaa'ibsiifatte. Isaan yeroo hundumaa
mucaa argachuuf kadhachaa turan.
Amma ta'uuf jiraa laata?





Battaluma sana
mucaan dhufaa akka
jiru Elsaabex ni
beekte. Waaqayyoon
galateeffatte. Gaaf
tokko, Maariyaam
firri ishee
Elsaabexiin dubbisuu
dhufte. Maariyaamis
mucaa eeggachaa
turte.



Yeroo Maariyaam achi geesse,
mucaan ishee garaa ishee keessatti
akka burraaqe Elsaabexitti dhaga'ame.
Elsaabex Hafuura Qulqulluudhaan



guutamte. Mucaan
Maariyaam Gooftaa
Yesuus Kiristoos
akka ta'e ni beekte.


Waliin ta'anii,
dubartoonni lamaan
gammachuudhaan
Waaqayyoon
galateeffatan.




Akkuma Waaqayyo kakatee
ture, mucaan Elsaabex ni
dhalate. Luboonni isaan kaan,
"Maqaan isaa akkuma abbaa isaa
Zakkaariyaas haa jedhamu"
jedhan. Zakkaariyaas
abboommii Waaqayyoo
yaadate.




"Miti! Maqaan mucichaa Yohaannis jedhama." Yeroo Zakkaariyaas sana barreesse, arrabni isaa ni hiikame. Isa booda Waqayyoon galateeffate.




Yohaannis yeroo guddatu,
akka Eliyaas namicha
guddaa sanaa ta'a.
Yohaannis Masihiichi
isaan eebbisuuf
battalatti akka dhufu
namootatti hime.



"Qalbii jijjiirradhaa!
Cubbuu hojjechuu
dhaabaa" jedhee waan
isaanitti dubbateef
Yihudoonni Yohaannisiin
ni jibban. Isaan waa'ee
cubbuu isaanii dhaga'uu
hin barbaanne.



Isaan kaan Yohaannis Cuuphaa jedhanii isa waaman,
sababni isaa cubbuu isaaniitti akka isaan gaddan
argisiisuuf namoota utuu inni bishaan
keessatti cuuphuu argan. Gaaf tokko,
Yesuus cuuphamuuf
gara Yohaannis dhufe.
Yohaannis, "Ati na
cuuphuu qabda"
jedhee morme.
Yesuus garuu,
"Akkana haa
ta'u" jedhe.
Yohaannisis
isa cuuphe.



Yesuus erga cuuphamee
booda, Yohaannis
Hafuurri Qulqulluun
bifa Gugeen Yesuus
irra utuu dhufuu
arge. Kun mallattoo
Waaqayyoo ture.
Yesuus Ilma Waaqayyoo
akka ta'e Yohaannis ni
beeka ture. Yohaannis
Yesuusiin Hoolaa
Waaqayyoo Isa
cubbuu biyya lafaa
irraa fuudhudha
jedhe.



Yohaannis namoota hedduu gara
Waaqayyootti geggeesse. Garuu

Heroodis, mootichi
jallaan, Yohaannisiin
mana hidhaatti
darbate. Yohaannis,
"Heroodiyaas, haadha
manaa obboleessa
keetii, akka kan
keetiitti fudhachuun
kee cubbuudha"
jedhee Heroodisitti
dubbate.






Kun dhugaa akka ture
Heroodis ni beeke.
Yohaannis hojjetaa
Waaqayyoo, qajeelaa
fi qulqulluu akka ta'e
inni ni beeka. Garuu
cubbuu hojjechuu
dhiisuu hin
barbaanne. Hidhaaf
isa saaxilullee,
Yohaannis garuu
cubbuu mormee
lallabuu hin dhiisne.



Guyyaa dhaloota isaarra Heroodis nyaachisa guddaa qopheesse. Intalli Heroodiyaas isaaf sirbite. Kun Heroodisiin gammachiise. Innis, "Waan barbaadde kamuu argachuu dandeessa" jedhee isheef kakate. "Gar tokkoo mootummaa kootii illee yoo ta'e."





"Maalan
gaafadha?"
jette intalittiin.
Heroodiyaas
haati ishee
isheen hamtuun,
isheen
Yohaannisiin
jibbite, maal
akka isheen
gaafattu itti
himte! Baay'ee
jibbisiisaa ture!



Intalittiin Heroodisiin, "Mataa Yohaannis Cuuphaa gabateetti naaf kenni" jette. Waadaa isaaf ni gadde, akka hin cabsine garuu of tuulaa ture. Heroodis, "Mataa Yohaannis irraa kutaa fidaa" jedhee ajaje. Loltoonni isaas isaaf abboomaman.



Haala nama gaddisiisuun
michoonna Yohaannis dhagna
Gootaa fi amanamaa
Waaqayyoo kanaa
fuudhanii
awwaalan.



Nama Waaqayyo Biraa Ergame

Seenaa Sagalee Waaqayyoo Macaafa Qulqulluu


kan keessatti argamu

Maarqos 6, Luqaas 1, 3

"Saaqamuun dubbii keetii ifa in kenna."

Faarsaa 119:130





Xumurameera



37



60



Seenaan Macaafa Qulqulluu kun kan haasa'u waa'ee Waaqayyo keenya
Isa dinqii Isa nu uumeefi Isa akka Isa beeknu barbaaduuti.

Waaqayyo wanta hamaa isa Inni cubbuu jedhuun akka raaw'anne ni
beeka. Adabbiin cubbuu du'a. Waaqayyo garuu guddaa si jaallata,
kanaaf cubbuu keetiif akka fannoorratti du'uufi akka adabamuuf
Tokkicha Ilma Isaa Yesuus dabarsee siif ni kenne. Sana booda Yesuus
gara jireenyaatti deebi'ee gara iddoo jireenya Isaa gara Waaqaa ni
deeme! Yesuusitti amantee cubbuu keetiif akka siif dhiisuuf yoo Isa
gaafatte, Inni siif ni dhiisa! Yeroo kana dhufee si wajjin ni jiraata,
akkasumas immoo atis Isaa wajjin bara baraaf ni jiraatta.

Inni kun dhugaa ta'uu isaa yoo amante, Waaqayyoon akkas jedhiin:
Yaa Yesuus, Ati Waaqayyo ta'uu kee fi cubbuu kootiif du'uuf jettee
akka annaf dhufte nan amana, ammas kunoo deebitee ni jiraatta.
Maaloo gara jireenya kootti koottuutii amma jireenya haaraa akkan
jiraachuu akkan danda'uufi guyyaa tokko sin wajjin bara baraaf
jiraachuuf gara kee akkan dhaquuf cubbuu kootiif naaf dhiisi.
Abboommii kee akkan eeguufi akka mucaa keetti akkan jiraadhuuf
na gargaari. Ameen.

Macaafa Qulqulluu dubbisiitii guyyuma hundumaa Waaqayyoo
wajjin dubbadhu! Wangeela Yohaannis 3:16

